



TE KŌKIRI I TE HIRANGA i te Whakaakoranga, Akoranga Matua

Te mahere rautaki a Ako Aotearoa:
2010–2013



TĀ MĀTOU MATAKITE: KIA HUA AKE KO NGĀ PUTANGA AKO TINO TIKETIKE RAWA, MŌ NGĀ ĀKONGA KATOA



AOTEAROA
NATIONAL CENTRE FOR
TERTIARY TEACHING
EXCELLENCE

TĀ MĀTOU matakite

Kia hua ake ko ngā putanga ako tino tiketike rawa, mō ngā ākongā katoa



TĀ MĀTOU koromakinga

Mā te arotahi ki ngā mahi whakanikoniko i te whai hua o ngā ritenga whakaakoranga, akoranga hoki, ka āwhinatia ngā kaiwhakaako, ngā whakahaere hoki e Ako Aotearoa kia tutuki te tino o ngā putanga mātauranga mā ngā ākongā katoa.

TĀ MĀTOU tirohanga ki te whakaakoranga, akoranga hoki

Ko te whakamahinga e mātou o te kupu Māori 'Ako' he whakaatu i tō mātou whakaaro e rua ngā wāhanga pāhekoheko katoa o te wheako mātauranga ko te whakaakoranga, ko te akoranga. Me mātātoa tonu te mahi akoranga, he kawenga ā te ākongā, he mōtika anō hoki ōna. Ka whakahou, ka whakapiki ngā kaiako i ō rātou pūkenga mā te tauwhitiwhiti atu ki ngā ākongā mātātoa.

TĀ MĀTOU kaingākau ki te Tiriti o Waitangi

E paiheretia ana a Ako Aotearoa kia noho ko te tiriti hei tūāpapa mō te whakahaere, kia tauawhi anō hoki i ngā mātāpono o te Tiriti o Waitangi. Kei te whai mātou kia tū hei whakahaere kākano rua, ā, e ārahina ana e Te Tauākī Ako, tō mātou Pou Tarāwaho Ako, i whakawhanakehia ai i ngā matapakinga ki tō mātou Rūnanga Māori.



Tā mātou whakataou uara

Kei te kōkiri a Ako Aotearoa i te kaupapa kia whakataou i ngā āhuatanga huapai, whai hua hoki o te whakaakoranga matua ki Aotearoa New Zealand, me pēhea hoki te whakatutuki kia pai ake te whakaakoranga, kia nui ake tōna uara, ā, kia hua mai he putanga pai ake mā ngā ākonga, otirā mā te motu anō hoki.

Kua whakatūria a Ako Aotearoa hei tautoko i ngā whakahaere me ngā kaiwhakaako matua o Aotearoa ki te whakatutuki i te whānuitanga o ēnei whakapātaritari. He tīmatanga pū tēnei mā mātou nā te mea nā ēnei āhuatanga matatini, kāore he

rongoā kotahi mō te whakanikonikotanga o te whakaakoranga, akoranga matua hoki. He tini ngā āhuatanga o te ritenga pai, o te hiranga hoki i roto i te mātauranga.

Nā konei, e toru ā mātou whāinga:

- ka whai kia pai, kia whaihua ngā wheako ina tīmata ngā ākonga matua i te akoranga matua,
- ka whai kia whai wāhi nui atu ia ākonga ki te whakatutuki angitu ai ā rātou akoranga, ā,
- ka poipoi, ka tokotoko i te hiranga whakaakoranga, i ngā kaiako hiranga hoki. 🎯

Te mahi puta noa i te rāngai katoa

Ka whai a Ako Aotearoa ki te whakamahi i te ara matanui i a mātou ka whakapau kaha ki te kimi rongoa ki ngā take i ngā horopaki akoranga matua katoa.

Whakaponu ana mātou he akoranga nui kei tēnā, kei tēnā wāhanga o te rāngai hei akoranga anō mā tēnā, mā tēnā wāhanga. Ā, ka mahi anō mātou puta noa i te rāngai matua katoa, tae atu ki ngā mātauranga hapori, pakeke hoki, ngā kura hangarau, ngā kuratini, ētahi atu kaiwhakarato mātauranga matua, ngā kaiwhakarato mātauranga matua tūmataiti, ngā whare wānanga, ngā wānanga, tae atu ki te akoranga wāhi mahi.

Mā konei ka whai kia tautoko i ngā whakahaere kei reira ngā kaupapa kōkiri e tautoko ana i ngā putanga whakaakoranga, akoranga whai hua kua tīmata kē

hoki, me te whakapeto ngoi ki te kimi huarahi e taea ai ētahi atu hōtaka ōrite te whakahaere ki ngā wāhi kāhore he hōtaka pēra i mua.

Kia tutuki ai ō mātou paihere ka waihanga pātuitanga whai hua a Ako Aotearoa me ngā rōpū whaipānga mai e toru:

- ngā whakahaere (tae atu ki ngā whakahaere mātauranga matua, ngā pūtahi kāwanatanga, ngā kaitukumahi, ngā uniana hoki)
- ngā kaiwhakaako (tae atu ki ngā kaimahi e whai ana i te tautoko akoranga, whanaketanga iwi, wāhi mahi hoki)
- ākonga (mai i ngā rōpū māngai ākonga). 🎯



He aha ngā āhuatanga kōkiri i te mahere

E tāparetia ana te mahere rautaki a Ako Aotearoa ki te horopaki o te Rautaki Mātauranga Matua a te Kāwanatanga 2010 – 2015, me tana matakite mō tētahi pūnaha mātauranga matua e ārahi ana i te ao.

He mea nui te mātauranga matua ki te whakapikinga o te oranga, o te akoranga, me te whakaputanga hua hoki o Aotearoa. Kei te piki te nui o ngā tāngata o Aotearoa e hiahia ana ki te uru mai ki tōna whanaketanga.

Kua piki ake te urunga (whai wāhi) mai ki ngā akoranga, hōtaka matua ōkawa hoki mā te whakarea tekau i ngā tau whā tekau kua hipa. I tua atu i tēnei, kei te piki te nui o ngā tāngata o Aotearoa e kōwhiri ana ki te uru ki ngā hōtaka o te wāhi mahi. Tata ki te kotahi miriona tāngata o Aotearoa kei te whai i tētahi momo akoranga matua. He haumi nui te mātauranga matua mō te motu, ā, mō te tangata takitahi, tae atu ki ō rātou whānau. Kei te whai te katoa kia whai wāriu ā rātou whakapaunga pūtea.

He tino kanorau hoki ēnei ākongā, he tino pēnei i ō rātou:

- taumata whakaritenga mō te akoranga matua
- taiao e hiahia ana mō te akoranga
- tino hiahia me ō rātou moemoeā hoki.

Heoi anō i tēnei wā he raruraru nui kei te tū tonu: he tino rerekē te kounga o ngā ritenga whakaako matua, me te aha, he rerekē te wheako ākongā hoki ki roto, ki waenga hoki i ngā kaiwhakarato matua, ā, nā konā, kāore a Aotearoa i te whiwhi i te katoa o ngā hua mai i tāna whakapaunga pūtea ki te mātauranga matua. Kua waitohua mai e te kāwanatanga tōna hiahia kia aro nui atu ngā whakahaere mātauranga matua ki tō rātou whakatutukitanga mātauranga.

E kanorau haere ana ngā ākongā, waihoki, he tere hoki te huri o te āhua o te mātauranga matua. I a tātou ka kōkiri i te huarahi whakamua ki tētahi pāpori nui ake ōna pūkenga, ōna mātau, kua kaikini haere ngā take pānui, tatau hoki mā ngā kirirarau katoa: kei te pā kaha ngā āhuatanga ahurea, ōhāpori hoki ki ngā angitu mātauranga: ka mutu nā ngā huringa tere i te ao hangarau kua rerekē haere ā mātou ara whakaako, ako hoki. Me āta aro mātou ki ngā ahu a-ao o te mātauranga, o te whakangungu hoki i te āhua o ā mātou ritenga, i te āhua anō hoki o ngā hiahia o ngā ākongā hei ngā rā ki tua. 🗣️

He aha kei Ako Aotearoa hei āwhina i a koe

I Ako Aotearoa e ārahina ana mātou e ō mātou uara, mātāpono hoki. Hei tautuhi ēnei i a mātou, he pēhea hoki te āhua o tā mātou whakahaere mahi. I ā mātou mahi katoa ka:


- arotahi atu ki ngā putanga ākongā
- ahu mai i te taunakitanga
- whai i te hiranga
- mahi tahi
- tareka paitia e ngā tūmomo whakaaro, tūmomo tirohanga hoki, ka urupare wawe hoki ki ēnei whakaaro, ki ēnei tirohanga
- kimihia, ka atawhaingia te auahatanga

- noho hei reo motuhake mō te whakaakoranga, akoranga whai hua hoki.
- whakamahia ngā tirohanga ā-ao i ngā wāhi e tika ana
- tū hei kaiārahi


Ka mahi ā-pātuinga mātou ki ngā whakahaere, ki ngā tāngata takitahi e mahi kē ana i te mahi rangahau, e whakatairanga kē ana i te ritenga whakaakoranga pai me te tiketiketanga (te toi) o te whakaakoranga, akoranga hoki. Ka tautuhitia ka whakatairangatia hoki e mātou te ritenga whai hua, ka aromatawai huarahi hoki e taea ai te hoatu whakaaro angitu whai taunaki mai i tētahi horopaki ako ki tētahi kia angitu anō ai. 🗣️

Te huri i te aronga

KEI TE WHĀNUI
HAERE TĀ
MĀTOU
TIKANGA MAHI



KEI TE
WHĀNUI
HAERE TĀ
MĀTOU PŪ
MAHI HOKI



Tā mātou tirohanga rautaki

Ngā Whāinga

Ka poipoia ka tautokona te mahi ā-tangata, ā-whakahaere hoki ki te whakapiki i te whakaakoranga, akoranga matua hoki.

Ka whakanuia, ka whai uara te hiranga i te ritenga whakaakoranga matua.

Ka tautokona te rangahautanga o te whakaakoranga, akoranga whai hua hoki, ā, mā konei ka taea te whakanikonikotanga o te ritenga ā-rautaki, ā-ukauka hoki.

Hei mātāpuna matua mātou mō te mātauranga, mō ngā rauemi hei tautoko i te whakanikonikotanga o te whakaakoranga, o te akoranga hoki.

Hei whakanikoniko ā mātou tohutohu kaupapahaere, taunakitanga, ārahitanga i ngā rautaki pūnaha, whakahaere hoki, i te whakaakoranga, akoranga e ārahina ai ngā ākongā matua ki ngā hua maha.

Ngā Tāhuhu Rautaki

Ngā tāhuhu rautaki hou mā Ako Aotearoa mai i 2010 haere ake

1. Te whakanikoniko i ngā paerewa ratonga o ngā whakahaere matua, me te manawanui tonu ki te hiranga
2. Te whakanikonikotanga ā papa-taunaki o te ritenga ki te taumata tangata takitahi, whakahaere hoki.
3. Te tautoko ā-rautaki, ā-ukauka mā ngā kaiwhakaako, ngā ākongā hoki i roto i te Pou Tarāwaho Ako.
4. Te tautoko i te ahunga whakamua a ngā Tangata o Te Moana nui a Kiwa mā te mātauranga matua
5. Te rongō me te aro ki te reo ākongā
6. Te mahi ā-pātuitanga, me te hiki i te mana puta noa i te rāngai matua hei hua mā te ākongā.
7. Te whakatītina i te kōrero, i te tautohetohe mō te whakanikonikotanga o te whakaakoranga, akoranga matua hoki

Mahi Matua

- 1.1 Te tautoko i te whanaketanga o te whakaakoranga matua hei mahi-ā-ngaio
- 1.2 Te tautoko i te whanaketanga o te ārahitanga akoranga i te rāngai matua
- 1.3 Te tautoko i te whanaketanga o ngā whakahaere akoranga i te rāngai matua
- 1.4 He whakanui i te hiranga

- 2.1 Te whakapiki i te whakanikonikotanga ā-papa-taunaki o te whakaakoranga, akoranga hoki
- 2.2 Te tautoko i te whanaketanga o ngā papa taunaki ā-whakahaere
- 2.3 Te whakarahi ake i te pānga atu o ā mātou kaupapa pūtea kia nui ake te whaihua ki ngā ākonga

- 3.1 Te tautoko i te angitu akoranga mā te Māori mā ngā pātuinga rautaki ki ngā kaiwhakaako, ki ngā rōpū ā-iwi hoki
- 3.2 Te whakawhanake i tētahi hōtaka hei whakatinana i ēnei rautaki

- 4.1 Te whakawhanake rautaki, kōpaki tūmahi hoki hei tautoko i ngā ākonga o te Moana-nui-a-Kiwa
- 4.2 Te tautoko i te whanaketanga o te ārahitanga Moana-nui-a-Kiwa puta noa i te rāngai matua

- 5.1 Te whakahaere tūmahi ka ārahina e te ākonga
- 5.2 Te whakawhanake mahi e tautoko ana i te mahi whai hua a te ākonga i ngā whakataunga ā-whakahaere mō te whakaakoranga, te akoranga hoki

- 6.1 Te whakawhanake i ngā pātuinga tūmahi mō te whakanikonikotanga o te whakaakoranga, akoranga matua hoki.
- 6.2 Te whakahaere, te tautoko hoki i te ritenga mahi ngātahi puta noa i te rāngai

- 7.1 Te whakawhanake ārahinga e whakarāpopoto ana i ngā āhuatanga papai o te ritenga whakaakoranga whai hua
- 7.2 Te whakawhanake tonu i te pae-tukutuku Ako Aotearoa hei tino rauemi whakaakoranga matua
- 7.3 Te tū ake hei kaiārahi i te whakapātaritanga i te whai huatanga o ngā ritenga whakaakoranga, akoranga hoki



Ko tā mātou e whai ana kia tutuki: te

Kāore e kore he mahi kōkau tonu te koromakinga a Ako Aotearoa. Me whai putanga e kore me āhua roa ētahi, me roa rawa atu anō ētahi. Ko tā te aroākapanga putanga mātua whakarite mēnā he tika te haere, ā, e whakaatu ana te whai hua o ā mātoru.

KIA EKE PANUKU, TANGAROA AI NGĀ ĀKONGA

PUTANGA TŪROA

E mōhiotia ana he māngai panoni manaaki a Ako Aotearoa mō ngā ritenga whakaakoranga, akoranga whai hua, auaha hoki

Kua whakanikonikohia te kounga, te whai hua hoki o te Whakaakoranga, Akoranga Matua

Kua hau te rongu puta noa i te ao mō Ako Aotearoa me āna mahi whakatairanga i ngā ritenga whakaakoranga, akoranga whai hua

Kua whakaurua e ngā kaiwhakaako matua ngā ritenga whakaakoranga, akoranga pai whai hua anō hoki ki roto i ā rātou mahi

Kua whakatinanahia he kaupapahere, he pūnaha, he ritenga tautoko e ngā whakahaere mātauranga matua

PUTANGA WAENGANUI

He toa panoni mātou i te taha o te hunga whai pānga o te rāngai

Kei te whai hua anō te whakawhitiwhiti kōrero i waenganui i ā mātou ko ngā kaiwhaipānga matua

Ka whakaratoa e mātou he tohutohu motuhake tino whai kounga

Kei a Ako Aotearoa mō te whakamōhio me te ārahi i te tautohetohe mō te whakanikonikotanga o te whakaakoranga, akoranga hoki

Kua whai mana ngā kaimahi a Ako Aotearoa

Kei te mōhio ngā kaiwhaipānga ki a Ako Aotearoa, tāna mahi me tana puna mātauranga

Kua whakanikonikohia te mātau me te mārama ki ngā taiao akoranga whai hua

Kua whakaurua e ngā hōtaka whanake ngaio ko ngā matāpono papa-taunaki o te whakaakoranga, akoranga whai hua hoki

Kua piki te mārama ki te hiranga o te kounga o te whakakoranga

Kua piki te mārama ki te hiranga o te taiao o te akoranga matua whānui

PĀNGA TĪMATANGA

Kei te tautohea e ngā ākonga ngā take rāngai matua

Kua tautuhitia, kua tohaina, kua tohea e ngā tauria ngā ritenga whakaakoranga, akoranga pai hoki

Kei te piki tonu te nui o ngā mema o te wānanga e takoha ana ki te whanaketanga o te rāngai

NGĀ MAHI



aroākapanga putanga o Ako Aotearoa

anga hei tautoko i te hātepe motukore o te whakanikonikotanga kounga, kāore
nga he whakarite i tētahi pou tarāwaho mō te aroturuki, mō te aromātai hoki hei
u mahi, me te pānga hoki ā mātou mahi, i te whakatutukinga o ngā whāinga roa.

KATOA KI NGĀ TAUMATA O TE MĀTAURANGA

Kua whai ahurea te pūnaha matua me ōna
whakahaere he mea tautoko i te whakaakoranga
me te whakanikonikotanga o ngā ritenga
whakaakoranga, akoranga hoki

He mea mārama, he mea ka tareka te puna
mātauranga o Aotearoa hei whāinga i ngā
ritenga whakaakoranga, akoranga matua whai
hua

Ka aromatawai ā-kiri ngā
kaiwhakaako me ngā whakahaere,
ā, ka piki tonu te kounga haere
ake nei

Kua noho tonu a Ako Aotearoa
hei pātaka mātauranga matua, me
ōna rauemi hoki mā te mātauranga
matua i Aotearoa

He whai hua te mahi a Ako
Aotearoa mō te whakarata me te
whakatenatena hoki i te tiritiranga
o ngā whakapainga papa-
taunakitanga i te ritenga

Kua piki te nui o ngā
kaiwhakaako e whai wāhi ana
ki ngā hōtaka whanake ngaio

He rautaki mārama kei ngā
whakahaere mātauranga matua
mō te whanaketanga ngaio o ā
rātou kaimahi whakaako e whai
hua ai ki ā rātou ākongā

Kua whakanikonikohia te
mātau me te mārama ki ngā
ritenga whakaakoranga,
akoranga whai hua hoki

E mārama ana ki te hiranga
o te whanaketanga ngaio
mutunga kore

Kua piki ake te mārama ki
te wāriu me te tūnga o te
whakaakoranga matua

Kei te whai hua te tohatoha o
ngā whakatau rangahau, o te
mātauranga hoki

He whaihua, he
hāngai anō hoki
ngā hui o Ako
Aotearoa

Kua tīkina, kua
whakamahia
ngā rauemi o te
paetukutuku Ako
Aotearoa

Kua hīkina
te āhua o
ngā ritenga
whakaakoranga,
akoranga pai
e Ngā Tohu
Whakaako
Kairangi

He whai
pānga anō
ngā rangahau
whai pūtea a
te kōmihana,
hei tautoko i te
panoni, me te
tohe

Kua tohaina
ngā ia hou, ngā
whakaaro auaha
hei whakamōhio
i te ritenga

I MATUA

Te Tauākī Ako: Tō Mātou Pou Tarāwaho Ako

Ko te take o tēnei tuhinga he whakatakoto pou tarāwaho hei tūāpapa mō te āhua o tā mātou tautoko i ngā ākonga me ngā kaiwhakaako Māori, i tua atu he whakamōhio atu i te āhua o tā mātou mahi mā ngā ākonga katoa. Kei te whakaata anō hoki i ngā āhuetanga e whakapono nei mātou e tika ana mō ngā whakahaere me ngā kaiwhakaako e mahi ana i roto i te horopaki Kaupapa Māori kia whakatauria, kia whakaurua hoki ki roto i tā rātou ritenga pakihī.


E kaingākau ana a Ako Aotearoa kia noho ngā mātāpono o te Tiriti o Waitangi hei tūāpapa mā te whakahaere. Ko te tūāpapa o tēnei paihere nui nei ko ngā pūnaha ā-roto, pūnaha pakari hoki, ngā rautaki e āta aro ana ki ngā putanga pai mā ngā ākonga Māori. He hanganga whakahaere hoki kei te whai Rūnanga Māori, he kaiwhakaako matua Māori whai mana rātou, tokorua kei te poari o Ako Aotearoa. Ko te tikanga he tuhinga ora tēnei, ka rite tonu te aronga atu, te arotakenga o ngā mahi whakahaere, whakawhanake i te mahi tuku ratonga o Ako Aotearoa. 🗣️

Kaupapa	Whakamārama	Tikanga
Whakapapa	Whakapapa	<p>Kei te mārama ki ngā takenga mai, ā, kei te whakanui i ngā takenga mai o te whakahaere whānui, me te whakapapa o ngā tāngata katoa o te whakahaere</p> <p>He mārama ki te whakahaere me tōna tūnga i te rāngai</p> <p>E mārama ana ki te whakapapa o te mātauranga me tō mātou nei tūnga i taua whakapapa. Hei tauira a Tāne-nui-ā-Rangi</p> <p>Ko te mārama, me te aro ki te mana o te hītori, ngā tirohanga, ngā tikanga me ngā uara o te Māori i Aotearoa</p>
Wairuatanga	Wairuatanga, whakapono,	<p>Kei roto te moemoeā me te matakitetanga – matakite</p> <p>Kei te mārama kei te whakaute hoki i ngā pūnaha whakapono ā ētahi atu</p> <p>Mārama ana he wae nui o te tangata te wairuatanga me tōna taha tinana, taha hinengaro, taha Māori hoki</p> <p>Ka whakaurua katoatia te wairua ki āna mahi katoa</p>
Whanaungatanga	Whanaungatanga, pātuitanga	<p>He mārama ki ngā whanaungatanga i waenga i nga tangata, ngā iwi, hapū me ngā rōpū taura here Māori, ā, me pēhea hoki te whakatairanga, te whakatū, te whakahaere i ngā whanaungatanga whaihua ki te katoa</p> <p>Pūnaha tautoko nui mā ngā mema o te whakahaere</p> <p>Te whakapakari tonu i ngā whanaungatanga ki ngā kaiwhaipānga matua</p>
Mana	Mana, ingoa	<p>Te waihanga, te whakanui, te whakatairanga me te whakamarumarua i te mana o Ako Aotearoa</p> <p>Te mārama me te whakaute i te mana, i te ingoa hoki o ngā whānau, o ngā hapū, o ngā iwi me ngā rōpū Māori puta noa i te motu</p>

Kaupapa	Whakamārama	Tikanga
Te Reo		Te whakatairanga me te whakamahinga o te reo Māori Te whakatairanga, te tautoko i te hiranga i ngā mahi whakaakoranga, akoranga o te reo Māori
Mātauranga Māori	Mātauranga Māori	Ka whakatairanga i te Mātauranga Māori puta noa i te rāngai matua Kei te whakatenatena i te kōrerorero me te whakamahi o ngā pou tarāwaho akoranga Māori
Kaitiakitanga	Te kaitiakitanga, te atawhainga rawa, ukaukatanga	Kua whakanuia, kua whakamanahia ngā puna mātauranga Kua whakanuia te mauri roa o te whakahaere Kei te whakatū pūnaha kia mātua whakarite i te ukaukatanga o te whakahaere Me mātua whakapau kaha kia hāngai ngā ritenga ki ngā kaupapa atawhai rawa, ukauka hoki i ngā rawa māori.
Manaakitanga	Manaakitanga, ohaoha	Kua tuia katoatia te manaakitanga ki roto i ngā āhuetanga katoa o tō mātou ratonga Me arotahi ki ngā kaiwhakaako, ākongā hoki, he mea nui rātou/ko rātou tonu te mea nui He hāngai, he māmā te whakamahi, ka tareka paitia e ngā rōpū kiritaki ngā aratohu, ngā hātepe hoki He tiritiri noa i ngā kōrero
Te whakanui	Te whakanui, uara	Te whakanui i ō mātou tāngata, kaiwhaipānga hoki He whakanui i ngā takoha mai i ngā wāhanga katoa o te rāngai E whakanui ana i te whakaakoranga pai, mutunga mai rānei o te pai me te ritenga akoranga pai hoki
Kotahitanga	Kotahitanga	He whakatairanga, he whakatenatena i te mahi ngātahitanga E arotahi ana ki ngā putanga huapai mā ngā ākongā Māori me te whanaketanga Māori ā-motu
Whakamana	Whakamana	Te whakamana i te Māori mā te whai, me te whakapau kaha kia tū hei TOW i te whakahaere me te whakapiki i ngā pūkenga kia tuku ratonga ki a ngāi Māori Te whakamana i ngā kaiako me ngā ākongā Te whakamana i te rāngai kia pai ake ā rātou mahi mā ngā kaiako, ākongā Māori hoki
Te akoranga me te whakaakoranga	Te akoranga, whakaakoranga hoki	Kia arotahi ki te ākongā Kia mārama ki ngā hiahia o te ākongā Te tautuhi, te whakatenatena, te whakatairanga hoki i te hiranga/whakatairanga i te mana ākongā, i te whakaakoranga
Taunaki	E ahu mai i te taunakitanga	Kia ahu mai te rangahau i te āhuetanga mahi whitake He ritenga te arotahi o te rangahau E tautoko ana ngā kōrero tāpaetanga, ngā pou tarāwaho hoki e ngā taunakitanga whitake, tae rawa ake ki ngā putanga mā ngā ākongā
Kairangi	Kairangi, hiranga	Te pupuri ki ngā paerewa teitei o te arotakenga kaupapa, rangahau hoki Te pupuri me te whakanui i ngā paerewa teitei i ngā mahi e mahi nei mātou

Tuhipoka: E taketake mai ana tēnei tuhinga i ngā mahi rangahau i ngā pou tarāwaho kaupapa Māori, Mātauranga Māori hoki e te tokomaha o ngā kaiwhakaako Māori, tae atu ki a Graham Smith Linda Smith, Leonie Pihema, Mereana Selby me te Rūnanga Māori o Ako Aotearoa.

Te āhua o ā mātou mahi



E manaakitia ana te Tari Matua a Ako Aotearoa e Te Kunenga ki Pūrehuroa i Te Whanganui a Tara

He pokapū takitahi a Ako Aotearoa mō te Kairangi Whakaakoranga Matua a Ako Aotearoa. E manaakitia ana te Tari Matua a Ako Aotearoa e Te Kunenga ki Pūrehuroa ki tōna pā ki Te Whanganui a Tara. E toru ō mātou tari ā-rohe

Te Tari ki te Raki, kei Tāmaki Makau Rau , e whakarato ana i te raki o Te Ika a Maui. E rua ngā kaimanaaki, Te Wānanga Aronui o Tāmaki Makau Rau me Te Whare Takiura o Manukau.

Te Tari ki te Puku, kei te Papa-i-oea , e whakarato ana i te puku o Te Ika a Maui. E rua ngā kaimanaaki, ko Te Kunenga ki Pūrehuroa me Te Pae Mātauranga ki te Ao.

Te Tari ki te Tonga kei Ōtautahi, e whakarato ana i Te Waipounamu. E manaakitia ana e Te Whare Wānanga o Waitaha.



Te Tari Mariko, te paetukutuku o Ako Aotearoa, he pātaka matua mā ngā rauemi i te ritenga whakaako matua. Hei manaaki tēnei tari i ngā tini hāpori ko te mātauranga matua te aronga nui.